

雁山吟

賀太常黃少卿

新昌呂聲之大亨

自從朝奏一封還，便整歸裝問故山。  
剝得清名千載重，何妨晚節十年閒。  
慣尋夜雪遼溪路，却謝春風漢殿班。  
國史舊編加簡討，春秋直筆任詩刪。

次新邑錢宰黃丞韻

一邑何期獲二賢，花開滿縣搃翩翩。  
賦詩各出新機錦，裕國還饒內府錢。  
槐竹兩行公事辦，絲桐三弄政聲傳。

作成和氣農家好多稼如雲詠大田

過杜潭題曾祖慶源菴

橫江灝氣欲欺裘木落千林水露洲偶為搜荒投隴畝  
因而展省到松楸神駒已應當年兆祥笋還為後裔留  
寄與老僧勤洒埽遶前橋綠桂香浮

和張王簿喜雪

夜讀書窓未覺貧朝看萬瓦沒魚鱗飄來灞畔春風絮  
瀉下瀛洲玉斛塵笑我冗懷多奪事羨君清思獨凝神  
遙憐夜月山陰道還有扁舟果興人

題南巖寺

誰把長竿釣巨魚至今蹲石倚空虛蜂房凌向山崖結  
鳥迹疑從海島居入座翠嵐生畫寂夾川紅樹照春餘  
任公此去三千載為看芳碑一慨吁

遊石佛寺

金吾不必問行由此去道遙物外遊半塢白雲藏宿鷲  
一葢橫笛下歸牛喜瞻傑閣三生像藐視叢林四海州  
為寫濯纓踈拙句誰言墨跡至今留

題陳岩菴寄諸兄弟

地接丹丘姥嶺賒山盤曲折狀如蛇每因過此瞻雙隴  
何必從翁置萬家孝弟本根時潤澤詩書種子日萌芽  
到來豈但春秋祀酌水何妨一獻花

開禧丁卯重過龍門有懷方丈老子

翠屋交空結夏陰征鞍亭午喜登臨披開草棘千叢路  
洗出冰壺一片心禪老還尋江浙太詩家誰作楚梁吟  
須知珠玉元無踵不惜西風惠我音

謝張漕薦剡

誰人洗甲挽天河玉宇無塵海不波漢使褰帷將命出

淮民挾纊被恩多流離豈但身安集凋瘵親曾手拊摩  
惠利纔施催召亟其如席未及溫何

賀葉司業兼中書舍人

英妙才華四十年山林朝市姓名傳何妨萬斛橫江上  
不礙千帆過目前我肯尾書干木紙人饒首着祖生鞭  
金鑿何日商風雅伴直能呼孟浩然

寄太湖黃縣尉

立頃談餘袂輒分乖離數數異朋羣君如天揭行空日  
我亦風吹過嶺雲不許范張同飯黍空慙李杜共論文

睽違動涉經年裏  
碁壘詩壇要策勲

與丁撫幹

兩年肥水喜相逢  
託契門墻今已重  
士有彌衡心肯薦  
侯如雍齒首先封  
更看謀略稱籌幄  
會見精神坐折衝  
敗走符堅兵百萬  
圍棋別墅意從容

悼止齋陳先生

萬里長江發自岷  
作興一代有斯人  
六經疑難言前解  
千古興亡筆下陳  
愛向田間看耜耒  
肯留天上掌絲綸  
如公到處鐫佳句  
今日池塘草自春

舒城道中

還轅天作十分晴  
瀉出秋光一派清  
走筆欲題人到跡  
揚鞭不住馬嘶聲  
頃禾晚熟黃雲色  
籬菊朝含白露英  
得似淵明便歸去  
侯門童稚出歡迎

重陽桐城道中

萬古長淮一帶流  
從來戰地不容休  
問關千里軍前餉  
牢落重陽客裏秋  
悵望白衣來送酒  
了無黃菊與簪頭  
何人早斷樓蘭首  
試解君王宵旰憂

九日登資福山呈胡宣教

飛屐來登最上峰，千山擁翠景無窮。  
遙看雲影參差外，靜聽泉聲斷續中。  
今日黃花重九約，何時青眼一尊同。  
好天風月閒相寄，早晚南來有過鴻。

西寺留題

白石孤雲自在閒，紅塵一事不相關。  
寺逶翠靄青蘿外，人到落花流水間。  
欲效錦囊收勝槩，慚無玉帶鎮名山。  
白蓮喜結當年社，未厭朝來暮便還。

題龍祥觀

曾到龍翔不記年，兩峰魏壓水中天。  
潮生潮落青蕪外，

人去人來白鷺邊。四接遠遊僧萬笠，  
重新舊觀屋千椽。東南送目秋無際，  
隔岬人家問釣船。

和黃教授山堂招飲

鼎彝事業未渠休，鷗鷺尋盟暫與儔。  
路入芝岩真絕地，客延蓬島盡名流。  
不辭一洗陶巾醉，更擬雙飛謝屐遊。  
誰賞洪都高閣句，落霞孤鷺唱漁舟。

謝石主簿和章

多君養就大椿年，便腹詩書畫欲眠。  
絳闕當年名籍甚，白雲他日迹飄然。  
千軍筆掃人誰敵，九轉丹成世莫傳。

倦眼功名旁袖手  
剝看月露出新篇

詠桂花

獨占三秋壑  
衆芳何誇橘綠與橙黃  
自從分下月中種  
果若飄來天際香  
清影不嫌秋露白  
新叢偏帶晚烟蒼  
高枝已折却生手  
萬斛奇芬貯錦囊

和王子寬韻

綠蔭千重竹  
清流一帶溪  
子真耕谷口  
楊震講關西  
手摘星辰近  
名登泰華齊  
古來公相業  
誰不起鋤犁

春郊

勝日遊郊外  
嵐光入眼新  
桃花開萬樹  
又是一年人

山行

山花雨後紅  
野草風前綠  
浩歌歸去來  
不辱在知足

先春梅花

不把春光較  
後先清香自是壓  
羣妍微酸一點功  
成日桃李從他逞少年

雲錦桃花

擁蓋難遮萬臉紅  
爛然雲錦直連空  
更看雨過新妝洗  
百媚都含一笑中

紫霄亭

半空烟雨有無間  
碧玉屏開四面山  
我欲紫霄亭上望  
吹笙人去幾時還

未把浮漚閱世間  
蓬萊一水隔三山  
試窮千里登臨目  
望斷青山白鳥還

芙蓉

楓葉飄林竹隔牆  
偏于冷淡逞濃粧  
天教不趁繁華月  
要是秋來獨耐霜

括蒼山行

微風吹雨濕欄干  
薄霧籠晴帶淺寒  
一樹紅姿牆外發  
誰家美麗倩人看

丹丘道中

夜宿溪頭十里村  
數星漁火照籬門  
雁山峭絕經行處  
猶帶烟霞入夢魂

縉雲道中

縉雲通道入皇都  
花滿京城水滿湖  
借問今來丞相府  
後園人有醉歌呼

遊石城山

祇因尋勝到林泉，四抱迴峰萬景連。  
僧過不知山隱寺，客來方見洞開天。  
浮圖照水光相映，古木依崖影倒懸。  
風露了非人世界，濯纓秋後玉壺天。

過七里瀨懷古

七里灘頭訪子陵，水光山色見生平。  
欲為臣子定出處，知與君王分重輕。  
一介草茅真自負，三公軒冕未為榮。  
我來想像高風在，釣石岩前烟浪生。